



金石文叢稿本

磐城岩代

三十二

特別
子10
4622
32

3



410  
4622  
32



白河故閼碑

樂翁公

白河閼蹟埋沒不知其處所者久矣。旗宿村西有業  
祠地隆然而高。所謂白河遠其下而流焉。考之圖史  
詠歌。又徵地形老農之言。此其為遺址較然不疑也。  
廼建碑以標焉爾。

寬政十二年八月一日

白河城主道四位下行左近衛權少將兼越中守源朝臣定信識

磐城

奧羽觀跡聞老志卷十一下三七丁

白河關

關  
如今詳關山之地理，關門之左右則高山也，道路之通行則狹隘之地也，雖未能極山谿之險，至于控阨陰要，束制咽喉之設，則足以為保障。奧羽之國也，縱令受大軍于茲，支之關下之坂口，張堅陣于前後，進精兵于左右，則豈容易得犯其險隘，敗其利兵乎？不知往昔何人逞防禦之術，而闢關門于斯地，以固關東之變乎？可謂精于兵法，熟于地利之人也。和歌皆咏古關門者也。

結城城址摩崖碑

廣瀨蒙齋

感忠銘

此三字共大方一尺八寸餘銘文字各大方五寸

蔚然深秀在我白河東者結城氏墟也我望之而  
有所感焉元亨建武間士氣衰榮天下擾々視利  
避就獨宗廣親先忠烈凜々憤發唱羨欲率天下  
而與之不幸弗克以殞身然猶東州士民知戴南  
朝之天者實亦其力也一時忠烈補公之外無能  
耦焉而今吾民鮮知其為州人何以興于餘風內  
山重濃家於墟下捐財為予勒銘表而出之公嘉  
斯舉賜題三大字以刻上方嗚呼二子之忠魂數

世後得此偉標焉其必含笑於地下吾輩亦與有  
榮也銘曰峭乎此山斯石嶢々溪風蕭然劍佩夜  
還踪蹟不刊輝映十年民莫自棄國能生賢  
文化四年秋九月 廣瀨典謹識 賀孝戲謹書

明治五年六月苗田依礫川老侯遺稿本寫之石谷慈僧讀大序序而說  
之愉快何如

毎日新聞五千七百八十四号(明治二十三年三月  
廿日)曰ノ賴朝カ霸府ヲ鎌倉ニ建シヨリ以來  
北条且利豊臣ヲ經テ從川ニ至リ霸權廢シテ國  
体舊ニ復セシカ從川氏独リ上流華族ノ榮ヲ受  
ケ門業益々繁キ所以ノ者ハ憶フニ偶然ニアラ  
ズ霸權旺盛ノ時代ニ在リテ早クモ勤王ノ義ヲ  
唱ヘシハ前ニ水府ノ西山(中納言光國)アリ後ニ  
白河ノ樂翁アリテ二人氏ニ從川氏ニ出タルナ  
レハ一敗將軍ノ威權ヲ筆クセシハ從川氏ニテ  
之ト同取ニ勤王ノ說ヲ布キテ維新ノ運ヲ他日

ニ促ス、種子ヲ蔭キタルモ亦從川氏ヨリ出タ  
ルナリ西山ハ日本史ヲ作りテ勤王ノ志ヲ寓シ  
樂翁ハ日本外史ヲ世ニ紹介シテ隱然抑霸ノ說  
ヲ擴メタリ此ニ書カ維新ノ業ヲ助ケテ大ニカ  
有シコトハ今日識者ノ見認メテ異辭ナキ所ナ  
ルカ西山ハ家康ノ孫ニメ樂翁ハ從川ノ中興吉  
宗ハ代ノ將軍ノ孫ナリ樂翁カ儒術ヲ重ンジ國  
學ヲ擴メ儉ヲ勤メ士ヲ励マセシ莫逆ハ西山ニ  
類シテ一ハ日本史ヲ作り一ハ外史ヲ紹介シテ  
二人氏ニ從川名主ノ孫タルハ奇ト云フヘシ西

山カ湊河ニ楠氏ノ碑ヲ建テシハ世之ヲ知ラサ  
ル無シトイヘ氏樂翁カ白河ニ結城氏ノ為ニ銘  
セシハ知ル者甚タ稀ナレハ之ヲ左ニ掲ク蔚然  
深秀云々此文ハ白河藩儒唐瀨典ノ筆ニメ感忠  
銘ノ三大字ハ即チ樂翁ノ各ニ係リ福島縣西白  
河郡白河駅ヲ距ル一西ノ方十町許棚倉ニ至ル  
ノ途左右ノ峭壁ヲ削リテ之ヲ刻セリ竝一丈八  
尺横九尺山ハ南朝ノ忠臣結城氏ノ古墟ニメ獨  
目城ト云シトツ今ニ至ルマテ行人コレヲ望ミ  
見テ古人ノ高節ヲ仰カサルハ無シ

明治十六年六月廿四日、依碑川老屋所藏拓本中之原居  
紙幅頗大、每行步而讀之、愉快何加

游東隊錄上

十丁方

松崎懺堂

渡逢隅川、謁鹿島祠、祠前古松三四人圍、有異香、祠東  
圓通殿、壁畫十二神、奇古不觀、田中老杉一株、以寧云、  
同國雜記、假寐叢、即是遙望、人不忘山、翠黛孤起、在二  
里而東、以寧云、在白石城北者、誤祠外南望、一大古壑、  
結城氏舊居也、再渡隈川、抵搦村、城後門曰搦方、語也、  
憩土豪內山官左宅、內山結城遺臣、官左不在、其子金  
三迎接甚恭、少將公嘗過其居、以寧名其室曰猶香屋、

後穿林觀感忠碑磨崖昏三文餘字如掌大偉觀也以  
亭搦文少將公題額記結城氏勤王夏郡吏常杵仲遷  
街吏大竹孫三未張飲移刻俱登後山為結城古墟極  
北慶南望子城牙城址繚繞里餘當昔之盛可想  
略下

明治十六年六月廿日抄

扈蹕日乘卷三 三十三

見玉天雨

六日微陰須賀川ノ舊寓ニ午飯ス四時白河驛ニ入り左  
折シ街ヲ離シテ東向十餘町結城氏ノ城墟ニ至ル搦山ト曰  
ク結城宗廣義良親王ヲ奉シ北畠顯家顯信ト心ヲ戮セ  
テ終身勤王ノ志ヲ変セズ今其迹ヲ目撃シ感慨之ニ係ル  
古所謂白河城即是ナリ後ノ白河城ハ古ノ小峰城ナリト  
イフ摩崖碑絶壁高サ八九丈樂翁感忠銘ノ三大字ヲ看シ  
其臣廣瀨典文ヲ換ス碑ノ壯ナル蓋本邦無ニナラム  
白河東去吊英靈草樹陰森古墨青百尺蒼崖長不  
泐鬼神呵護感忠銘



寓ニ到レハ昏ニ近シ主人ニ就テ白河古史考ヲ借覽ス尔  
典ノ着ス所ナリ

勿越関碑陰詩

筒井鑾溪

物。埃。人。而。着。人。依。物。以。名。常。奧。境。関。称。勿。越。山。迳。櫻  
花。美。春。晴。将。軍。義。家。討。叛。賊。千。里。領。兵。方。東。征。途。過  
此。関。暮。春。日。落。花。飄。風。舞。縱。橫。将。軍。按。轡。詠。因。歌。尔  
未。騷。客。訪。迹。多。星。霜。臻。今。殆。八。百。名。存。物。換。少。人。過  
素。英。洞。月。慨。蹟。泯。俱。謀。録。石。樹。山。陂。夏。未。成。成。蚤。即  
立。孝。孫。繼。志。更。無。他。建。碑。遂。雕。季。鷹。書。但。憾。録。歌。記  
夏。踈。需。余。背。面。誌。顛。末。風。流。篤。孝。耐。嘉。譽。陳。迹。從。今  
靡。湮。没。此。石。傳。世。詎。有。除。正。是。人。物。相。湏。着。永。昭。無  
窮。名。不。虛。

歲

嘉永辛亥年仲春七十四翁筒井憲并書

高知縣殉難履歷卷四

官軍土藩美正貫一郎建臣碑

慶應戊辰正月伏水變報至我軍發國貫一以第二  
小隊半隊司令從焉至京師二月東征先鋒之勅下  
衆從中仙道轉入甲州甲素多武田氏遺臣徃徃願  
從貫一首獎勵之典誓機山公廡子以斷金隊官命  
貫一為之長常偵探敵情為軍嚮導我在今市若白  
川屢破強賊者其功蓋居多焉三春歸順之明日諸  
軍將入雙松城向本官驛賊隔逢隈川而發射飛丸  
雨注貫一叱咤先衆而濟中流中丸而倒水急衆相  
顧無如之何竟歿年二十有五實七月廿六日也貫

一諱建臣下村純齋之第二子為人勇於義亦精武  
技年二十三出繼美正氏貫一既沒諸軍遂能奪本  
宮進拔二本杏天兵成功指日而可待嗚呼貫一其  
能瞑乎官命樹碑川上因標其大節云

会津風土記

平金吾義連碑佐原氏者相州三浦之族而其先齋  
姓矣義連之曾祖曰為繼為繼父曰為通  
任長門守是為三浦之祖為通父曰忠通  
忠通父曰良文共任鎮守府將軍良文者  
乃平祖高望王之子也為繼子曰義繼義  
繼子曰義明稱大介義明之次男義澄呼  
別當荒二郎十男義連所謂佐原十郎是  
也高倉帝治承四年之夏源賴朝公勃興  
焉義明以其黨歸之秋八月二十三日石  
槁山之戰源軍敗績公匿形而去二十四

岩代

兩  
日。三浦與畠山戰于油井濱小坪坂。三浦利斬首五十餘級。重忠忿之奮擊。義連等操短兵急當之。重忠危。畠山從者阻之。言曰。三浦畠山為聯族。何冤如此。敵哉。而重忠免焉。時上總少廣常弟金田大夫賴次以七十餘騎屬三浦焉。重忠欲雪前日耻。二十六日。率其黨來。三浦聞之。保衣笠城。畠山攻之。義澄義連力戰拒之。義明謂之曰。兩日戰鬪。兵疲矢盡。汝等當逃去。尋君之處。君之知也。人不得而害之。定在安房。

皆  
上總二州之間。夫東國誰不源家人。雖一且屬平氏。豈忘舊恩哉。必背歸焉。汝切勿懷二心。我既老矣。不可徒行。不可馬乘。汝欲扶去。恐亦弗能也。及其弗能。則人必笑我言。白頭所得能多少。不死於城而死于徑矣。又必笑汝言。苟遺其親。肆諸道路矣。吾獨留于此。汝等往矣。宜忍生戮力。建君於世。而領先坐所在。以孝奉之。是予之願也。我累世為源家之臣。今幸逢君之起義。兵而為之致死。蓋喜之哉。但不親見君之

拜日本大將軍而死。此遺恨耳。老淚泫然。沾直無袖。兄弟已下。號泣不肯行。義明云。速去。而其志不可回也。終皆不獲。已踰城。指安房國而赴焉。二十七日。畠山遂拔城。殺義明也。爰北条父子岡崎四郎義實近藤七國平等。自土肥岩浦乘船。亦指房州而渡。與三浦遇于海上。拍手相懽。二十九日。公棹扁舟。著房之獵島。北条等拜迎之。數日。愁眉一時闕散矣。尋而畠山來伏焉。公謂三浦言。不受降者。大事不可成。當為

忘私讎。三浦義不辭。五年之夏。公選善射者十一人。直宿御寢所。義連其一也。公乘納涼之興。逍遙乎三浦。訪義明之舊跡。義澄拜辱。設盛饌饗之。公宴樂無貴無賤。飛觴歌舞。時公脫水干。賜岡崎四郎。即命著之上總介。嫉之曰。若廣常者。合當拜受之。而義實蒙此賞。則意外之事也。四郎嘆曰。廣常自負功云爾。豈比義實之忠哉。二人爭欲兵。公不敢下言辭。義連出叱云。義實之吹濫。老狂之所致。與廣常亦乖物儀也。

猶有憤則可期後日。今妨御遊甚無狀。制止之。安德帝壽永三年春正月。公遣兩弟蒲冠者。範。賴九郎。義經為節度使。帥兵數萬。誅木曾擊平氏。二十日。兩將破木曾軍。入洛。義仲走。義澄。義連等追之。義仲遂被誅。二月七日。源平決勝一谷。東西兩口之戰。閔聲雷轟。劍先電奔。交射飛雨。刺擊流血。義經以精兵七十餘騎。迴至。羈越。即言。可以九郎為範。而馳驅深入險阻。頭上嶙峋。目下谿。研。進退窮而士卒屈。義連進曰。

此是三浦之馬場也。先驅。義經繼之。士卒皆馳揚聲放火。音響于谷。烟舞于風。城中以為大軍襲來。失度而潰焉。義連之勇名。於是乎籍甚矣。四年之春。兩將追伐平氏。西州。義澄。義連從有戰功焉。後鳥羽帝。文治四年秋七月十日。賴家公始著鎧。其儀尤嚴。義連進御。劔。五年之春正月九日。賴家公有弓始之禮。使射于十人行之。義連其一也。夏。召北条三男於公所。命元服。武藏守。參河守以下相列著坐。三獻禮畢。童

子進御前。公命義連加冠。義連辭退。重命  
言。上首列坐。其辭亦可也。然往年三浦遊  
宴之時。廣常義實喧競之處。義連克治之。  
於今乎。不忘之。此小童者。內室之所寵異。  
將來託之。不可固辭。義連乃進加冠。字曰  
時連。秋公東征。源軍破伊達。厚賀志山之  
要害。逼于西城戶國。衡血戰禦之。義澄義  
連等勵衆戰疾。攻急而國衡死之。奧師撓  
敗。源軍乘勝追之。公令義連等整旅擊之。  
而泰衡遂授首。公使義澄義連等討其餘。

黨。而奧羽悉平夷矣。公賞功臣。而封義連  
於會津城鎮東北矣。建久元年冬。公上洛。  
義連供奉。任左衛門尉矣。三年秋八月九  
日。實朝公誕生。義連獻御護刀。四年之夏。  
公狩富士野。曾我夜擊之。翌召時宗於幕  
下。勇士侍左右。義連其一也。夫義連斷金  
之志。公亦諒之。凡出御。則先後之。每有事  
則與於此焉。嘗司和泉紀伊兩國守護職  
矣。公任征夷將軍之時。使義澄奉勅使之。  
除書。是思義明忠死之言也。人皆感羨之。

矣。抑義連兄弟之不顧親之死。與漢之王陵趙苞異世同情之事也。可不哀哉。可不憐哉。其杖父而去。則既已不能也。儻與父共死乎。或與父共降乎。此皆父之不可許也。必矣。然則與其違父命而死無益也。寧相君而繼父之志者耳。使程子論之。則亦可與王趙同斷案耶。蓋不可知也。義連娶伊東氏生盛連。盛連之子光盛。是為葦名會津二氏之祖。其子泰盛。次盛宗。次盛員。次直盛。次詮盛。次盛政。次盛久。盛久無子。

弟盛信立。其子盛詮。次盛高。次盛滋。盛滋無子弟。盛舜立。其子盛氏。是時中興仙道。白川來附焉。其次盛興。早世。而佐原氏絕矣。異姓更立。家臣相爭。而國亦滅也。厥後上杉氏蒲生氏加藤氏封于茲焉。寬永二十年之秋。左中將源正之封於此。來養士撫民。給菘賑窮。賞孝子節婦。禁殉葬火葬。謹權量。寬租稅。行朱子社倉之法。嘗修會津風土記。遣家臣巡封疆。而聞義連之墓。在于耶麻郡。嘆曰。先封之主。名將之迹。我



後人之所以可圖不朽也。遂令礮石立碑。命柯為之文。嗚呼！是又惜絕典廢。可謂偉舉矣。不肖既與於修風土記。而潤色其文。則斯命也。亦不得辭。迺考其譜表其事。聊論之。且繫以銘。其銘曰：

平民之族。久得定食。十郎忍辱。共臣之職。維心維腹。佐原之系。世仕源家。大介貽謀。繼父之志。維肱維股。

李固斷金。趙峻匪石。氣陵賁育。京寇追北。名揚一谷。會封之福。銘金吾域。過者可式。

御宴治亂。身生三浦。奧役之勳。因羽林舉。圓首万跌。

寬文八年戊申仲夏初三日 山崎柯撰

古今碑銘類集卷一

會津中將源太守墓誌

山崎闇齋

太守姓源氏諱正之。小字幸松。大將軍家光公之弟。而大將軍秀忠公之子。大將軍家綱公之叔父。母神尾氏。慶長十六年辛亥夏五月七日。生於江府焉。七歲。台命。信州高遠城主保科肥後守正光為義父。二十一歲。義父卒。任肥後守。二十二。直叙從四位下。二十四。任侍從。二十六。移羽州最上城。三十二。移奧州會津城。三十五。任左近衛少將。叙從四位。

上。四十二任中將。叙正四位下。太守娶內藤夫人。生一男幸松。夫人早終。男亦夭。二男正賴。從四位侍從長門守前歿。三女嫁從四位侍從播磨守上杉綱勝。前沒。四男正經。從四位侍從筑前守。娶加賀中納言前田利常女。三子皆母藤木氏。五女。母牛田氏。嫁利常嫡孫左中將綱利。前歿。六女。嫁從五位丹後守稻葉義雅。前歿。七男。正純。從五位東市正。前歿。二子亦藤木氏。生八男。重四郎。母沖氏。太守五十六。以疾致仕。而弗許。五十九。傳封印於正經。六十一。蒙土津靈

號。寬文十二年壬子冬十二月十八日。終於江城南箕田邸。壽六十二歲也。癸丑之春三月二十七日。葬於會津東北磐梯南麓焉。太守具剛正之質。得知淳之氣。守神道之柱。窮儒教之極。其奉上也。確乎忠貞。不可拔。君諒之國之大。事必與焉。國之大事必與焉。國老賴之。國人信之。其視下也。宜士宜民。而士民懷之。如父母。及其却世也。天下憂而惜之。嘉侍於太守十年。于茲焉。翼翼德容。溫溫辭氣。如在乎目。如在乎耳。感愴涕泣。謹誌其壙云。山崎敬義。

会津風土記

土津靈神碑

山崎閻齋

土津者 東照大権現之孫源中將之靈  
 跡也。靈神諱正之。小字幸松。台德院秀  
 忠公之子。大猷院家光公之弟。大將  
 軍家綱公之叔父。母神尾氏。慶長十六年  
 辛亥夏五月七日。生於江府焉。七歲  
 命信州高遠城主。從五位肥後守源姓保  
 科氏正光為義父。弱冠。義父卒。任肥後守。  
 賜為清刀。入高遠。寬永九年壬申冬。直叙  
 從四位下。甲戌之秋。家光公上洛。靈神

扈從。七月十日。公參內。是日靈神任侍  
從。拜皇帝。太上皇。賜天盃。丙子之秋。  
大。增封戶。移于羽州。最上城。賜行光刀。入  
最上。巡封城。加獎諸士。更召多士。各頒職  
事。無大無小。咸自為之。戊寅之夏。最上近  
邑。白岩民將叛。靈神治之。驛告。辛巳之秋。  
八月三日。世子家綱公。誕靈神。獻光忠  
刀。左文字小刀。癸未之夏。韓使來貢。公  
引見南殿。靈神侍坐。秋復益封戶。移于奧  
州。會津城。正保二年乙酉夏。任左近衛少

將。四月十三日。世子元服。靈神理髮。獻  
來國光刀于公。獻守家太刀。行光刀于  
世子。公賜長光刀。世子賜將監長  
光刀。賜御盃。秋叙從四位上。冬十一月  
天子特贈宸翰。宮額於大權現。勅使格  
日光山靈神登山攝御事。慶安四年辛  
卯夏四月二十日。公大漸。召靈神於寢  
殿。託世子而薨。靈神常在府。佐之。秋  
家綱公任內府。拜大將軍。勅使來。靈神  
登城。承應二年癸巳秋。公任右府。勅

使來靈神登城。公命謝上使靈神與副  
使侍從今川範英上京師。冬十月十日參  
內科。帝公事畢私覲賜天盃。仙洞  
新院女院如前儀。次謁關白。太閤亦會  
之。又太閤關白送之。十三日。勅答賜天  
盃而退。則任中將。賜太刀。辭官拜賜而出。  
仙洞勅答賜仙盃。賜太刀。新院勅答  
如前式。是日女院設饗禮。有無樂。賜御  
孟賞。賜若干靈神拜辱。二十七日。歸府復  
命。公仍言曰。中將之任宜從。勅命乃

拜。累叙從三位。又辭。遂叙正四位下。明曆  
改元乙未冬。韓使來貢。公引見南殿。靈  
神侍坐。事闕。韓使以書信來于私第。即報  
答之。寬文六年丙午。靈神五十六。以疾致  
事。而不得謝。自是。宮中乘輿。國老就謀焉。  
靈神性剛正。而和淳。自幼讀書。不惑。年始讀  
小學。知大學之基。焚向前所讀老佛之書。  
專攻濂洛關閩之書。用力於敬。功夫日新。  
也。其言云。主一無適。則存得未發之氣象。  
動亦定。靜亦定。聖人無情而性之者。其庶

幾乎又云。程門靜坐之法。楊氏羅氏李氏能授受之。三子傳心錄。於是乎編矣。嘗歎玉山講義之精。為之附錄。則舉其要曰。仁之生意親切之味。即未發之愛。一意一理而萬物之所以為一體也。又曰。智藏而無迹。識此而後。可以語道體。可以論鬼神。又曰。仁智交際。萬化機軸。此合天人之道也。嗚呼。可謂說約矣。知此要約者。朱門蔡季通仲默真希元之後。未有斯人也。日本神代卷中臣祓者。我道傳授之書也。靈神

學之得吉田家之傳。邈五十鈴川之流。神武向日之畏。應神秘道之敬。奉持而著之。心胸之間。實弓兵政所崇。道盡敬。天皇以後。一人耳。其事君也。大義常存於心。念念不忘。以安世為悅。而不以一毫欺之。恐已忠之不盡。而不欲人之悅已。其所書思對命。悉燒之。人無得而知之。周公之于身。亦優為之。欲得夷齊無怨之仁。厭聞湯武革命之義。常言文王至德。處孔子以來。惟韓愈程朱發之。泰伯至德。處孔子以來。惟

朱子明之。夫然後天下之為君臣者定矣。因言事代主命。本朝泰伯也。又常稱明道愧視民如傷四字。愛范希文先憂後樂之語。使侍史讀。倭漢歷代之書。察治亂之幾。論興亡之迹。考諸地宜。質諸時義。編二程治教錄。以寓乎其意焉。其治會津也。城隍郭郭。時省督課。儲軍糧。備兵器。作風土記。坐知四境。正神社為之志。廢佛堂。斥僧寺。置葬地。禁火葬。立社倉。行常平。謹權量。寬租稅。制糶糴。漕運之法。聽訟。本人倫。察

事情。遣監司循封內。下情上達。凶年防之。饑歲賑之。九十以上。歲與口養。孝子節婦。賞之不忠。不弟。罰之。窮人無歸。則給之。族客有疾。則濟之。未嘗有一人餓莩者也。靈神娶奧州岩城城主從四位左馬助藤原姓內藤氏政長女。生一男幸松。夫人夙終。男亦大。二男正賴。從四位侍從長門守。先沒。三女嫁羽州米澤侍從從四位播磨守藤原姓上杉氏綱勝。先沒。四男正經。從四位侍從筑前守。娶加州小松中納言



從三位肥前守菅原姓前田氏利常女三  
子皆母藤木氏五女母牛田氏嫁利常嫡  
孫正四位左中將加賀守綱利先没六女  
嫁相州小田原侍從從四位美濃守越智  
姓稻葉氏正則嫡子從五位丹後守義雅  
先没七男正純從五位東市正先没二子  
亦藤木氏生八男重四郎母沖氏戊申之  
歲著家訓明年再乞致仕台許令正經  
襲封六十一蒙土津靈社之號壬子之夏  
行于會津卜壽藏於盤梯南麓見禰山詠

倭歌以賦其事蓋仁以為己任生無所息  
望壙則知所息者歟夫我神國傳來唯  
一宗源之道在乎土金而土即敬也蓋土  
與敬倭訓相通而天地之所以位陰陽之  
所以行人道之所以立其妙旨備于此訓  
靈神達乎此靈號良有以矣是冬歸府病  
卧於城南箕田郎公使國老數來十二  
月十八日終於正寢臨終不異平生惟仁  
義之言而安然氣絕壽六十有二歲也  
公哀痛賻之諸侯惜之女院聞訃甚傷

閔白以下嗟嘆弔之矣。孝子正經。治喪不用浮屠。衣衾棺槨必誠必信。晦日大輦至。于會津焉。癸丑之春三月二十七日。大葬於壽穴矣。夏建社。請神祇管領長上下部。兼連安鎮之。厥壘曰土津靈神安鎮座矣。延寶二年之秋。鐫石立碑。屬嘉作其文。夫靈神之忠之行天下。具瞻之。至其學識。則嘉竊知之。故不敢辭之。乃為之文。繫以銘曰。

維左中將。

源家懿親。

質剛而正。讀書知道。排黜他鬼。受託之重。國老謀政。初守高遠。次護最上。終鶴城主。風土有記。爰著家訓。

氣和而淳。持敬脩身。尊信我神。致忠之真。韓使結鄰。乃利黎民。乃陟士臣。兼龜墨鎮。社倉見仁。永貽後人。

體藏盤麓  
之德之合  
正直祈禱

社扁土津  
之實之賓  
靈驗斯新

山崎嘉謹撰

古今碑銘類集卷一

梶氏勝忠之墓

夫

蓋天追遠不忘者孝子慈孫之意也表其不安  
之實者敬之至也乃祖勝忠姓源氏松平冒母  
氏之氏改為梶氏假名金平雅號淨栢參州人  
其先清和帝之胤而譜分於義家勝忠年甫九  
歲始仕

及

東照神君常侍左右寵顧甚渥及壯受鈞命  
監本多之家事方此時也以本多氏為宦兵之  
先鋒之故徇名勵武之士多屬麾下神君定  
關八州之後勝忠亦辭官祿從中書少卿忠勝

枚疑枚

君而枚群超衆攻城畧地之功居多。初自獻馘於永久手交槍於岩築而終至於咲馬場山縣之戰死而嘲於甲軍。關原之役授馬少卿而旌王豐之忠。小枚之戰備在候之將而粗秀吉公之隊見稱於

東照神君被褒於中書少卿者數矣。其斬獲擊刺之功不可勝記。後從志勝移於勢州桑名城。稱淡路守。其累葉父祖之名諱踐履之實則在于梶氏系譜不載于此也。慶長十八年癸丑二月十有三日病而終家享年六十有五。一雄今

摸

自和移奧在福嶋。思先主舊封之地而書此數件。遠寄桑門湛海于知之般若窟。建石以誌焉。窟則摸於兜卒內院而役小角之所芟也。湛海結菴而居焉。海者余之檀越而方外之交也。吁。百世之後陵谷易位而貞石不泐。冀碑乃祖之風躅長傳於悠久也。

天和二年歲次壬戌正月十八日

孝孫一雄建之

護忠君墓碑

物茂卿

是為護忠君墓、西鄉其姓、近房其名、會津上大夫也、  
 蓋在國初時、其先人有元房者、號石<sub>右</sub>、近參州二連、  
 木源氏之族、方丹波守康長食封松本城也、以其為  
 兄弟行、從而仕焉、遂為諸侯之臣、未幾、丹波守移封  
 明石、則自信適播、為播州人也、其子房茂、號新兵衛、  
 迺護忠君之父也、娶會津公族大夫正近女、以寬永  
 十四年丁丑九月二十八日乙酉、生君於明石城、小  
 名吉十郎、三歲而明石侯移封加納城、則自播適濃、  
 為濃州人也、會外<sub>王</sub>土父正近之子正長無嗣、請君為

嗣遂冒姓保科自濃來奧實始為奧州人也居三年  
正長卒而襲其祿號賴母時年十有三尚幼無知迺  
值先中將神侯折節布衣士若聞齋先生者盛講聖  
人之道君悅而學之孜孜見之行事醇如也初正長  
有遺腹子曰正興比及成童君慨然請以其父之祿  
讓之已則復姓西鄉神侯義之如其所請特賜祿五  
百石擢為親隊長於是乎會津大夫有西鄉氏也君  
歷仕侍從侯以及今中將侯奉職惟謹今中將侯襲  
封日尚富春秋而君輔導之勲蓋非淺鮮云以故位  
祿益崇迨乎貞享元年五月增祿至二千五百石進

抄

位群大夫之上接狀君為人簡重寡言笑沈毅而善  
斷見貴弗屈聞過能改和順內積威望外著是以國  
人畏而懷之性好典籍夙興追朝手不釋卷暇則討  
論無勸時一發難師儒莫能折是以居官能理寵愈  
盛而弗驕祿愈厚而弗肆是以沒世不失其名譽如  
狀所言誠君子人也元祿十四年四月致仕管城東  
地居之今侯親書諭謝慰勞其至每有大政事必就  
咨之歲時賜賚問弗絕至時或命駕訪疾禮待弗  
少衰十六年癸未三月二十五日庚午卒年六十有  
七先是賜地院內山以為壽藏二十八日癸酉就葬

具

焉迺建祠于蠶養神之傍扁曰護忠子孫時祭之君  
嘗娶沼澤吉通女生六子長女適邦大夫井深重隆  
次男近方號源藏嗣為邦大夫迺今賴母君之父也  
次男近宜祿三百石次女適酒井良形次女適窪長  
隆次女適丸山次生護忠君之歿也源藏君問葬儒  
生問祭神士皆盡其禮國人稱孝焉今賴母君又不  
遠千里乞予一言勒其碑陰欲祖德之不朽也茂卿  
曰離公族而就庶姓棄職仕而弗憾卒行其道位與  
祿皆至苟非學問之力烏能若斯乎故護忠君之行  
雖其天性乎然亦先中將神侯作人之效為烈也不

然其子其孫何必皆爾銘曰

其斯護忠君之幽宮邪形于是乎藏神于彼乎揚左  
右先侯兮永福厥邦

享保八年癸卯夏四月

福島妙音廟碑

物茂卿

信夫縣福島妙音天女廟者、土官渡邊氏所奉也。廟  
 秋武隈川、川發源白河縣諸山中、迤邐北東流、數百  
 里、經二株松、福島諸邑、與洲河合、其流始大、可以漕  
 矣。更東北九十里、至伊達仙臺界、入于海、大氏奧之  
 地、從福島以往、稍々庫水、是以如建瓴而下、距福島  
 六十里、曰洗馬灘、次曰梁灘、自此山左右、束為峽、惡  
 巖、怪石錯出、亂峙、水勢窘而激、舟觸立碎、更十里許、  
 曰曾灘、山益束、石益出、水愈益急、濶僅十數步、而兩  
 岸如削、成下仰上俯、水如由洞、隧中過、徒下昂視、其



左右巖所不合者一線已猿猴之所跳過故蹄曰猿  
跳日月蔽虧陰森宵冥東奧惡瀨之極舟則不可行  
也相傳距今而上十有餘年福島之地實為湖匯有  
玄態與龍鬪而勝之龍乃劈山東北走湖遂洩為陸  
其所劈裂處即是峽已邑曰島河曰洲蓋取諸其洩  
而未陸之際邪有昔人鑄鐵記其事者今猶在青羽  
山寺中云迨我神祖之真都武昌也歲海漕輿之  
粟數百萬以供都人士之口而信夫以南數十萬之  
租必由武隈以達海者至梁灘而漕窮矣則改漕而  
馳以致諸水澤村二十餘里復就漕所公私皆以為

不便矣嚴廟時渡邊氏之子曰友以世家都下富  
匹猗朱友以少有大志慷慨善謀矢心不朽其功以  
為國家建千百世之利也遙聞武隈之險走馬相  
攸心匠所營宛見成功唾手而興力請于朝者三  
年人或聞者不笑罵則駭以為狂友以益奮弗顧及  
寬文改年辛丑歲官遂准其請赤縣大吏伊奈君  
等實贊襄之也不更歲而功竣資費巨巨萬洗馬冑  
梁諸灘猿跳之險皆平凡諸怪石惡巖砲舟頭戈舟  
腹者誅伐無遺福島至水澤九十里之漕可通嚮駭  
笑罵訾者至是皆帖然以謂神禹而後功其在諸

官因命友以世襲漕事造舩擅其利又賜地一井福  
鳥之步頭悉免租調自此之後官享其利民頌其  
便者至于今弗替也友以歿而其子貞嘉嗣勤其職  
弗怠以憲廟之貞享乙丑歲勅妙音天女廟于山  
茶舊館之地乃故仙臺侯輝宗壘址也後因其踞絕  
巔而福島城可俯窺也東北徙今所凡百步許更新  
廟貌頗倍初規不遠千里而謁記于予予按往牒遠  
古之時日嬖氏之三女降于洲渚今筑之宗像菟  
之嚴島皆其神也專司風汛之變以左右太陰之政  
而舟船之往來魚蠃菰藻之利皆隸焉是以六十有

汛

六州凡有津泊湍瀨之地莫有所不香火而奉焉者  
暨乎梵教西來而後海澄之徒配以妙音亦緣其修  
多羅中謂為主海鳥故也於是乎妙音顯而三女隱  
其實一也予聞之貞嘉之子三郎者武隈之漕通而  
天造之險尚在焉是安能若履坦途其然哉底柱灑  
瀕不能以禹鑿而保一人之不死者豈亦非有神之  
宰制其命者故邪況舟與鳥同道風水馮虛其不與  
蹠實者同科亦審矣貞嘉之所設蓋由是通耳是豈  
翅為其家祈福也乎亦為漕卒乞命也漕無失而都  
下之粟積亦為都人士百萬乞命也都人士百萬之

頭

命無虞而國家置海內於泰山之安也則友以之  
所建貞嘉之所祈其閔繫堂小小哉又聞之天女廟  
賽以己巳日輒有若燈者不知所來或沿川而上或  
踰山而轉冉冉駕空而行集于廟前巨石止者久之  
乃去其色赤於恒火土人稱為海龍王供燈渡邊氏  
莊與廟對岸貞嘉及其子歲時或睹之夫精誠所萃  
有神斯應豈常理之所能言哉予已大友以之功又  
不得已乎貞嘉之請故叙其始末使其勒石于天女  
廟前繫之以銘銘曰  
繫昔華夏洪水滔天崇伯死勤黃熊化淵再世底績

精誠則然千歲雖邈東海之延武隈見形湖迺桑田  
馬痛玄黃熊老黃玄將信將疑眠厥鐵券龍鬪之峽  
猿跳之巔鮫力弗及惡石齧船世孰微高有若渡邊  
悉誅水孽奧粟蔽州達彼海漕廩此都廛國家有  
賴咸服其便追惟往勤有神斯顯陰隲默佑其兆弗  
愆恍兮忽兮孰干其權乃勅廟宇于河之壘香火蘋  
蘩則吉則蠲有龍獻燈熒煌霄懸十目所視何祥加  
旃茲知上古鮫何獨賢神歿其力遂伏蜿蜒蜿蜒有  
靈尚致其虔民雖無知誰不誠顯有祈斯獲厥福綿  
綿神備不朽億萬斯年

陸奥國安積郡々山八階祠碑

安積良齋 名信

吾邦自古稱為神國、天神地祇、聖帝明王、及勲臣賢  
牧之廟、建置於連州、而壬辰緝紳、以至於士庶黔黎、  
莫不嚮謁敬禱焉、其祭祀之官、昔在邦畿、則有神祇  
官、郡國則有祀部、而國造亦兼攝之、及後代王政之  
變、惟為史記所司、然人心之敬神祇、奉禋祀、則今猶  
古也、陸奥國安積郡々山八幡祠、係阪上田村麻呂  
所創、置焉、相傳延曆中、田村麻呂東征、過阿賀岐山、  
山舊有安積國造祠、因祭應神帝於此、而寄藏旌

明治五年月廿日校

旗弓矢於祠其鏃至今尚存永承中源賴義東征亦  
次于此故號其地曰幕內天和三年徙于今地及文  
化四年罹災邑民胥謀營建之其七年始竣功堂庶  
寢殿煥乎莊嚴視舊有加焉郡山本一小墟市也而  
餘年來戶口日滋田野日闢豐饒富衍今為諸郡之  
冠蓋應神帝千古之聖主田將軍一代之英傑其  
精爽翕霍威靈昭明洋洋乎充塞於寓內而無不在  
也故邑民之致奠饗盡崇敬其精誠所感神麻底而  
冥護之凡疾癘之所顛號早滂之所請禱皆有靈應  
古人所云有誠則有神者不信然哉邑人阿部貞宜

威

貞明之弟也寬政九年別成家資產日殖子孫繁育  
以為神之所祐其於營建之事既竭其力又欲建碑  
以勒功德而徵文於余々先比止禰命安積國造也  
民思其德建祠於阿賀岐山子孫遂為史祀綿連相  
承至父安藤親重兄重滿今皆奉先職凡五十餘世  
矣則其昭著神德詡揄威靈固吾分也然才譎學膚  
不足以圖盛事乃請於因幡支封冠山老疾而為之  
銘是則亘千祀而不朽與貞砥同其壽者也因叙之  
略其銘曰  
皇祖神聖國造良翰武人東征肇祀迺壇政禮具舉

祝

顯若可觀祀典綿亘萬古不刊

明治十六年四月廿夜校

三忠碑

三忠孰謂。謂金上盛備佐瀨種常常雄。所云疾風知  
勁草。板蕩識誠臣。若三士是也。猪苗代盛國以邑叛  
納伊達政宗也。葦名義廣自將討之。天正十七年六  
月五日戰于磨上原。師敗績。出奔常陸。初龜王大無  
嗣。國相富田平田等議與政宗和。請具弟某為後。盛  
備與沼澤出雲等不可曰。近年彼之與我。交際如何。  
而今欲主其弟。不知迎佐竹義重第三子義廣。既而  
國相與傳大繩讚岐。刻石駿河爭權。乱將作。盛備慰  
諭而止。政宗無此釁。所以有是役也。及戰富田將監

其

如

為前鋒。乘風擊之。盛國走。片倉景綱亦敗。獲太郎丸。掃部。俄而風反。伊達成實。白石宗實。又詭攻觀者。觀者走。後軍隨而亂矣。義廣帥麾下進當政宗。會叛者。燒日槁而絕歸路。是以我師大潰。種常常雄死之。盛備慷慨曰。我國之大臣。不與社稷俱存亡。何面目立于天下哉。遂赴歎而死。是日微此三士。義廣殆不免。盛備才兼文武。元老宿將。國人賴之。死之日。知與不知。莫不流涕。政宗亦曰。盛備叙爵任遠。江守不可弗禮。厚葬之。種常稱大和常雄。稱平八郎。時年十六。一家殉難。我公讀史至此。歎息。每高三士。節今茲七月。

過其墳。賦國雅吊之。三墳異所。今建石於此。俟表之。公親篆額。命臣泰紀其文。噫。令死而有知。三士豈不感戴德於地下哉。抑亦足以興起士氣矣。謹換銘以公。國雅曰。度幾河制仁。都容記孔左。巴遠芝累德夷。府浮流古登於茂。斐以都廬不留通介。嘉永三年庚戌十二月。

高津泰撰

山内晋集

唐顏真卿

書

恭順蒲倉翁生壙銘并序 平田虛舟

恭順翁名定行字孤舟號綠窓姓藤原氏奧州信夫  
郡名倉村人也其先曰大友某蓋武將也天正中仕  
于仙臺黃門公丑丑相繼到王父順貞君明和年間  
辭官祿嗣同郡大森村醫生蒲倉氏之後就冒其氏  
父名順昂亦能嗣業翁幼而多故稍長而受業于二  
水松醫官遠藤氏又遊學于江戶數年而歸鄉是以  
三古其裘相承其業大行每晨出暮歸盡心於治療  
雖有夜半叩門告急者不問親疎貧富即行診脈投  
劑其所全活不可勝筭嘗慨然歎曰吾恨為醫而無



肉骨之術。讀書而不得為有道之士。顧者使里中童  
蒙畧知孝弟之一班。庶幾有補于世耶。於是創立講  
堂。教導子弟。遠近聞之。至于樵子牧豎。皆來受業。翁  
刀圭之餘。教誨孜孜不倦。殆三十年。其至篤如此矣。  
性尤淳。林廣潔。衣則布葛。食則菜蔬。時與故舊酌村  
醪。各適其可而止。見毋華奢者。則正色責之曰。晏子  
齊國之相也。尚一狐裘三十年。况事農桑之人。尤宜  
守儉素。聞者皆慚悔。心服於其懇切。鄉里或有事難  
處者。皆諮決之于翁。翁多據經義斷之。是以鄉倍大  
脩。一二母學之士出焉。翁娶完戶氏。生二男一女。長

朴

子順達。繼業。次子某。出嗣高城氏。少女未嫁。云。鄉人  
受教者。私相議曰。翁既老矣。盍各醵金。豫立碑以報  
德。衆皆唯唯。翁聞之。固辭而衆不聽。遂使余識其梗  
概如此。銘曰。

良將之裔。宜乎良醫。非啻起死。訓導孜孜。  
鄉人倚賴。敬之愛之。名實不朽。永與石期。



